

四庫全書

史部

欽定四庫全書

史部

欽定熱河志卷

七十三

詳校官編修

臣曹斌

檢討

臣德生覆勘

總校官舉

人

臣章維桓

校對官編

修

臣戴心亨

謄錄監生

臣陶嗣曾

欽定熱河志卷七十

水二

潮河

源出豐寧縣

即四旗廳

屬鑲黃旗大閣兒北七

十里之城根營西南山下在縣治土城子西北一

百三十里屈曲南流至大閣兒之東折而東南流

復折而西南仍折而南龍潭溝水自西來會之又

南流至岡子上共行縣境一百八十里入灤平縣

即喀喇河之廳之西北境逕哈什哈汎之東又南至椶樹

嶺折而東南流至巴克什營之西復折而西南流
共行縣境二百八十里至古北口關西之潮河川
入邊至密雲縣境會白河即古洹水也

漢書地理志白檀縣洹水出縣北蠻夷中亦名鮑
邱水

水經注鮑邱水出禦夷北塞中南流境九莊嶺東
俗謂之大榆河又南逕鎮東南九十里西密雲戍

西又南左道合人谿水又東南流白楊泉水注之
又東南龍芻谿水自坎注之又東南出峽逕安州
舊漁陽郡之滑鹽縣南左合縣之北溪水

按漢志白檀縣洹水經注引以入濡水條下或
疑洹字與濡字本相近然師古注肥如縣濡水
音乃官反此洹水音呼鵠反不應一字兩音一
水兩注知非漢書傳寫之誤乃酈氏誤引漢書
也潮白二河俱係大川漢書於漁陽郡不應載

沽水而遺鮑邱水以今方位考之白檀縣北之水大無過於潮河則洹水之即鮑邱水信矣夫潮河源在今豐寧縣境而漢志謂在蠻夷中桑欽水經謂從塞外來道元注在禦夷謂北塞中則斯地在當時本處邊外而非郡縣所及益可知矣

又按密雲戌與密雲縣異後魏時已置有密雲縣而水經注但稱戌者其非縣可知密雲戌在

禦夷鎮東南九十里與鎮甚近自當在邊外賈
耽謂密雲去禦夷鎮幾九百里道元時六鎮已
陷沒或傳聞之誤記載成謠蓋未知其本為兩
地也

御製詩

潮河橋 丁卯

出口風增峭臨橋水疊波常年度清蹕昔日此潮河荒
戍紫烟荔山田茁雨禾名言思守德觸景畏心多

潮河 甲申

白河過浮橋庠奚厯迤邐潮河帶城南弗渡遵其溪近
郭列市廛枕堰非高峙緩急何所賴尋思蓋久矣謀安
民自知寧必更張屢叶洶湧奔新漲竹箭莫喻駛昨晚東
北雷聞聲今見爾

龍潭溝

在豐寧縣

即四旗廳

屬鑲黃旗大閣兒東南

五十里縣治土城子西南一百里龍泉山靈通寺
之西南為潭者三第一潭過寺里許形如偃月南

北二丈東西斜袤十丈餘過潭東南登山十餘步
轉南五十餘步為第二潭仄徑崎嶇尙僂攀附乃
得上潭徑三丈作菱角形懸崖嶄絕繞潭而南上
下百餘步得第三潭旁哆中狹畧如銀鋌約徑二
丈餘四圍林木蒼翳俯瞰深碧隔潭南望水從石
罅中出岔湧跳踐勢如激矢相傳每潭入水三尺
天霽水澄了然可辨其斯為神此之所宅也三潭
高下遞注由寺前石澗東南流十餘里入潮河

清水河

源出灤平縣

即喀喇河走廳

南境邊城外西南

流至墻子峪之北入邊下流入潮河

按顧祖禹方輿紀要及顧炎武昌平山水記皆

以為即古要水漢要陽縣以此得名蓋古要水

本入鮑邱水

即今潮河

而不入濡水

即今灤河

水經注載

要水于濡水條下者誤耳

詳見建置沿革草門

方輿紀要又謂潮河亦有灤河之名乃因水經

注之誤而曲為之說其實潮與灤河河判然二

水不相假也

乾塔河 原出灤平縣

即喀喇河走廳

南境邊城外西南

流至黑峪關入邊下流會清水河

按水經注鮑邱水自逕滑鹽縣以前皆當在邊外其所會諸水以方位計之道人谿水合孟廣硯水會鮑邱水當在今豐寧縣境白楊泉水出白楊谿注鮑邱水又龍芻谿水自注鮑邱水當在今灤平縣境今悉無可考惟龍潭溝水東南

流入潮河似為左入鮑邱之道人谿然道人谿
源流頗遠與龍潭溝亦不甚相類若方輿紀要
謂道人谿水在密雲縣東北石盤峪源發龍門
流徑縣界入潮河又以今之霧靈山為古孟廣
硎以今之乾塔河為古孟廣硎水然水經注所
載道人谿水距鮑邱水發源之處未甚相遠尚
不應在邊域之內

一統志原本謂水經注道人谿在禦夷鎮東北在石盤峪

者蓋密雲縣境之小水而冠以舊名其說為是

至霧靈山本即水經注

伏凌山之訛霧靈山既不得為孟𪔐則乾塔河之為孟廣𪔐水亦未可據且乾塔河本先會清水河方輿紀要既以清水河為古要水則今之乾塔河或即水經注所謂要水出塞外三川並導之一源而又別以為孟廣𪔐水於義兩無當矣

以上皆入潮河之水

白河 自獨石口外瑪尼圖達巴罕發源南流入

獨石口逕赤城堡東流仍出邊至判官渡入灤平

縣

即喀喇河老廳

西境東流四十里至湯河口湯河自北

來會之折而南流七十里至石塘口關入邊至密雲縣境又南會潮河即古沽水

漢書地理志漁陽縣沽水出塞外

水經注沽水出禦夷鎮西北九十里丹花嶺下東南流大谷水注之又南出峽岸有二城世謂之獨固門又南左合乾谿水又西南逕赤城東又東南

與鵲谷水合又東南右合高峯水又西南流出山
逕漁陽故城西而南合七度水

湯河

源出豐寧縣

即四旗廳

屬鑲黃旗大閣兒西一

百二十里十八盤嶺東之麻線溝在縣治土城子
西北三百六十里南流至湯山有溫泉注之始名
湯河又南流至大草坪之東共行縣境百餘里入
灤平縣

即喀喇河屯廳

境又南流九十里至湯河口入白

河

洪湯寺溫泉

源出豐寧縣

即四旗廳

屬鑲黃旗大閣

兒西南六十里之湯山在縣治土城子西南一百
八十里泉上建洪湯寺有浴池在泉側其水南流
會湯河

按水經注沽水自合鵲谷水以下始入今灤平
平縣境其所載高峯水高峯戍東南城在山上
其水西南流又屈而東南入沽水今湯河南入
白河當即古高峯水今之湯河口即所謂右合

高峯水之處也

水峪河

源出灤平縣

即喀喇河走廳

西南二百六十里

之道溝峪東南流至黃崖關外入白河

白馬關河

源出灤平縣

即喀喇河走廳

西南二百三十

里之火石嶺東南流至白馬關入邊下流入白河

馮家峪河

源出灤平縣

即喀喇河走廳

西南二百九十

里之恒梁南流至馮家峪口入邊下流入白河

鞍子嶺河

源出灤平縣

即喀喇河走廳

西南二百五十

里之鞍子嶺東南流至石塘口入邊下流入白河

七度河

俗名依度河源出藥平縣

即喀喇河走廳

西南

二百五十里之分水嶺東南流至大水峪口入邊
下流入白河

水經注七度水出北山黃頌谷亦謂之黃頌水東
南流注於沽水

按水經注載沽水之合七度水在漁陽城南今
七度河入白河亦在邊城之內方位相合又明

成祖實錄載永樂元年命武安侯鄭亨於七度河設烟墩候望警息即指此

以上皆入白河之水

英金河 亦名英河源出圍場內都呼岱山會諸

小水東南流出英格柵亦名英格河逕都呼岱山

入赤峯縣

即烏蘭哈達廳

西北翁牛特境東南流一百四

十里會錫爾哈河又東流七十里逕縣治之北又

東流八十里逕察罕陀羅海溝之東入建昌縣

即塔

子溝 北教漢境與老河會東流入潢河即古饒樂

水也

後漢書鮮卑傳季春月大會於饒樂水上

魏書太祖紀北征庫莫奚渡弱洛水班賞將士

十六國春秋後燕錄慕容寶襲庫莫奚己未北行

庚申渡洸洛水距龍城一日程

杜佑通典庫莫奚理饒樂水北饒洛水一名如洛

環水

遼史地理志中京在饒洛河水之南又高州有樂河

按饒樂水魏書作弱洛水十六國春秋作澆洛水通典又作如洛環水稱名雖有稍殊實一水也一統志原本以饒洛水為今潢河

在英金河之北詳見

後之別名考漢書注但稱饒樂水在營州北而不詳其里至然隋唐諸史皆以潢水為契丹所居而饒樂水別為奚地魏書太祖紀十六國春

秋言因征襲庫莫奚而渡此水通典亦謂奚理
饒樂水北則饒樂水之為奚所居無可疑矣唐
書奚契丹列傳凡契丹莫長內附者皆封松漠
府都督以平地松林在其國也奚酋長內附者
皆封饒樂府都督以饒樂水在其國也地理志
稱營州西北百里松陁嶺其西奚東契丹富弼
行程錄自中京北二百六十里至崇信館過崇
信館即契丹舊境其南皆奚地是奚之疆域北

不過崇信館東不過松陁嶺不得遠取契丹境

內之水為奚之府名也且舊唐書于契丹傳曰

居黃水

即潢水

之南於奚傳曰自營州西北饒樂

水以至其國兩名分見知其必非一水而大寧

以北之水源遠流長無如英金河者故知為古

饒洛水也大寧為遼中京云在水之南則在水

中京北境可知遼史又云高州有樂河高州南

至中京一百四十里正當中京之北與今英金

河之在平泉州

即八溝廳

北方位亦合若方輿紀要

謂饒樂河在大寧衛北源亦出馬孟山其下流

東北入於潢河今以水道論之發源馬孟山者

惟有老河

詳見後

至英金河發源之處去馬孟山

絕遠方輿紀要所稱蓋未盡可據也

奇布楚河

源出圍場北境界海喇堪達巴罕之

東在赤峯縣

即烏蘭哈達廳

屬翁牛特右翼最西北境初

名奇布楚色欽東南流沿圍場之東北界至奇布

楚溝柵入英金河

錫爾哈河 源出圍場內會諸小水北流出納林

錫爾哈柵入平泉州

即八溝廳

西北喀喇沁右翼境東

北流逕赤峯縣

即烏蘭哈達廳

屬翁牛特右翼境又東北

入英金河

按此與會入豹河之錫爾哈河別

烏拉岱河 源出圍場內會諸小水東流出烏拉

岱柵入赤峯縣

即烏蘭哈達廳

西北翁牛特右翼境東會

錫爾哈河

錫伯河

源出平泉州

即八溝廳

屬喀喇沁右翼西一

百餘里察罕陀羅海山之東東流逕右翼旗之南
又東北入翁牛特右翼境會錫爾哈河

哈爾吉河

源出平泉州

即八溝廳

屬喀喇沁右翼南

四十五里北流會錫伯河

卓索河

源出赤峯縣

即烏蘭哈達廳

屬翁牛特右翼西

境東流會錫爾哈河

以上皆入英金河之水

老河 亦名土河蒙古名老哈穆楞源出平泉州

即八溝廳 屬喀喇沁右翼南一百九十里之永安山在

州治西北境會諸小水東北流自大寧故城之西

南逕大寧之東北故城又北流入赤峯縣

即烏蘭哈達廳

境逕翁牛特左翼南境入建昌縣

即塔子溝廳

屬教漢

西北境會英金河又東北流入朝陽縣

即三座塔廳 屬

奈曼北境至喀爾喀左翼西北界出朝陽縣境共

行五百餘里與潢河會下流為遼河即古託紇臣水亦名土護真水也

隋書契丹傳當遼西正北二百里依託紇臣水而居

唐書地理志長城口北八百里有土護真河奚王牙帳也奚傳依土護真河

遼史地理志聖宗過七金山土河之濱因議建都又中京大定府有土河

金史地理志大定府大定縣有土河長興縣三韓縣有塗河

元一統志塗河源出惠州西北經州界八十里東北流入大寧縣南境至大寧縣東北境二百二十里入高州境又東北流至行營草地即此

葉隆禮契丹國志契丹有水曰北乜里沒里復名陶猥思沒里源出中京馬盂山東北流西華言所謂土河也

顏祖禹方輿紀要土河自馬孟山發源經大寧衛南又東北流至朶顏衛境之木葉山合于潢水者是也

米萬春薊門考大寧城北有老花母林

即老哈穆楞番

云大河也自青山流來遶過大寧城南往東北與

捨喇母林

即錫喇穆楞為遼水之西源

合共入遼東三岔河

按老河之為土河至今兩名互稱隋書稱託紇臣水唐書稱土護真水土護真水即託紇臣譯

語之轉音遼金二史謂之土河為護真河之省

文金史及元一統志又稱塗河則當屬轉音耳

隋書稱契丹依託統臣水唐書又稱奚依土護

真水者蓋土河經流五百餘里發源今平泉州

即入境流入今建昌縣即塔子溝廳朝陽縣即三座塔廳

境當初發源時為奚王牙帳所在及東北流至

潢河南則屬契丹之地正當隋遼西郡正北也

一統志原本以古託統臣水土護真水並為今

潢河

潢河詳見後

之別名並據舊唐書安祿山傳討

契丹至土護真河即北黃

亦作潢

河之文考舊唐

書言契丹在黃水南若土護真河即潢河則既

至土護真河即為契丹牙帳矣何以下文云又

倍程三百里奄至契丹牙帳

新唐書亦謂至土護真河晝夜行三

里知所謂即北黃河者乃北即黃河之誤舊唐

書契丹傳載此事云舊黃水南契丹衙與之戰

新唐書契丹傳云大戰潢水南可為明証隋書

稱託紇臣水在遼西

隋遼西郡即營州今建昌朝陽縣舊塔子溝三座塔

地 正北二百里

此亦指土河之在故漢秦曼境者言

唐書稱潢水

在營州北四百里則託紇臣水尚在潢河之南相距二百里不得強合為一明矣又遼史地理志統和二十四年五帳院進故奚王牙帳地二十五年城之號曰中京府曰大定可見奚王牙帳在中京正今老河流經之地若以潢河為土護真河是遠出四百餘里之外與中京無涉唐

書地理志漁陽郡下言古盧龍至奚王牙帳六
百里又東北行傍吐護真河五百餘里至契丹
牙帳正與今老河至潢河所歷道里方向相合
而土護真河之即今老河無可疑矣方輿紀要
又謂土河亦名溫榆河考遼史地理志稱奚部
建牙當饒樂河水之南溫榆河水之北下文又
稱聖宗土河之濱因議建都是土河過與溫榆
河明非一水方輿紀要所稱蓋未盡可據也

又按一統志原本謂土河之名始於遼時其前
無可考證疑即水經注之白狼水今以水經注
大遼水所會白狼水考之與今老河水道有難
以強合者水經注遼水自塞外東流直遼東之

望平縣西

望平縣在今錦州府屬平縣東北境

屈而西南流逕襄

平縣故城西

襄平縣在今奉天府遼陽州西北境

又東逕遼隊縣

故城西

遼隊縣在今奉天府海城縣西境

又南小遼水

即今渾河在海

城縣西北

注之又右會白狼水至安市

在今奉天府蓋

合遼河

平縣東
北境

入於海而於白狼水下復云東南流至

房縣

在今廣寧縣東南境

注於遼是白狼水之入遼河在

大遼水既會小既會小遼水之後將入海之前

今老河之會潢河

即大遼水之上源

在喀爾喀左翼境

其去古房縣甚遠且白狼水必當與古白狼山

相近水經注稱石城川逕白鹿山西即白狼山

也又東北注白狼水考白狼山在建昌縣

即塔子溝

廳喀喇沁左翼東三十里其距老河亦甚遠又

水經注稱白狼水逕黃龍城東龍城故址在今
朝陽縣東北之三座塔境亦非老河所行之道
反覆求之無一可通者舊志乃謂老河經古黃
龍之北與水經注白狼水合然水經注原文本
謂白狼水逕黃龍城東而強改為北可乎至隋
書契丹傳有託紇臣水而地理志又有白狼水
唐書地理志有吐護真河奚傳有土護真水而
又有白狼河兩河分見必非一水知老河之非

即白狼水

白狼水為今大凌河詳見後

則水經注白狼水條

下所逕白狼石城廣城諸縣地其不在今老河

左右又不待辨矣

奇扎爾台河

即老河之上流源出平泉州

即八溝廳

屬喀喇沁右翼南一百六十里在州治西北境東

流合諸小水為老河

呼察河

源出平泉州

即八溝廳

屬喀喇沁右翼南一

百四十里之呼察察罕陀羅海山在州治西北境

東流五十餘里會奇札爾台河

霍爾霍克河

源出平泉州

即八溝廳

屬喀喇沁右翼

南一百二十餘里霍爾霍克達巴罕之東在州治北境東南流一百五十餘里入老河

布爾罕阿蘭善河

漢名上神水河以左翼亦有

神水河故稱此為上神水源出平泉州

即八溝廳

屬喀

喇沁右翼南一百里在州治北境東流三十餘里

入老河

烏魯斯台河

源出平泉州

即八溝廳

屬喀喇沁右翼

東南一百里在州治東北境西北流入老河

烏巴河

源出平泉州

即八溝廳

屬喀喇沁右翼東一

百五十里之哈特哈山在州治東北境西北流入

老河

伯爾克河

源出平泉州

即八溝廳

屬喀喇沁右翼東

南一百五里之喀喇和碩山在州治東北境北流

入建昌縣

即塔子溝廳

屬教漢西南境又北入老河

納林崑都楞河

源出平泉州

即八溝廳

屬喀喇沁右

翼南九十里在州治北境東北流澆大寧故城之北共行一百五十餘里入老河

松吉納河

源出平泉州

即八溝廳

屬喀喇沁右翼南

八十里在州治北境東流八十餘里會納林崑都

楞河

巴蘇台河

源出平泉州

即八溝廳

屬喀喇沁右翼南

四十里在州治北境東流會納林崑都楞河

和爾圖河

源出平泉州

即八溝廳

屬喀喇沁右翼東

南十五里在州治北境東南流會納林崑都楞河

伯爾克河

漢名落馬河源出赤峯縣

即烏蘭哈達廳

屬

翁牛特右翼北境在縣治西北境東南流逕布爾

克爾圖山又東入老河

金史地理志三韓縣松山縣有落馬河

元一統志落馬河在松州北八十里發源州界鑼

鍋嶺下流入高州境一百里東入塗河

按金之三韓松山縣元之松州皆在今赤峯縣境河名與方位俱相合金元史所載落馬河應

即指此

摩該泉

源出赤峯縣

即烏蘭路達廳

屬翁牛特左翼東

南一百二十里在縣治東北境東流入老河

崑都楞喀喇泉

漢名橫黑水泉源出建昌縣

即塔

子溝

屬教漢東北九十里南流入老河

玉瀑

在建昌縣

即塔子溝廳

屬教漢北境縣治北五

五百五十里即老河之下流石壁高聳懸為飛瀑
土人名曰響水乾隆八年

皇上東謁

祖陵

鑾輿經此

賜名玉瀑

御製詩

觀教漢瀑布水

我聞奧區天所秘疑信向半今信然浩浩萬里沙漠塞
乃有瀑水崇岡懸車塵方苦紛塙堪豁開壺裏別有天
侵尋峰岫羅嘉樹漸潤澗谷無埃烟是時仲秋曝晶日
忽聞雷聲殷前川坐令林壑失輕籟朗吟清眺萬慮蠲
大者明珠小者璣如傾拷撻投深淵虎狼駭走不敢飲
下疑千載蒼龍眠巨石橫斷無土壤粵生美箭竒而堅
山葉紅綠如錯繡無名野草相新鮮鸛鵠徘徊不忍去
鸛鵠時向虬枝穿禹鑿龍門未至此胡乃三級限鰲鱗

蒙古相傳瀑水以下鱗類甚夥而以上絕無亦甚奇云

吁嘻泉石誠觀止賞咏自

我羌誰先匡廬香爐無足喻山靈占此永不遷設置飛觴擗管地混沌竅鑿應難全

朕恭謁

祖陵至教漢觀此巖懸水跳珠琮琤蒙古遊牧地所少也

因名此水為玉瀑而繫以詩

癸亥

崇椒列嶽點丹楓樹色煙容綠間紅始信人間無玉關
水晶簾內水晶宮

却笑拘墟李謫仙
匡廬當目便茫然
飛流詎止三千尺
絕勝銀河落九天

沈沈碧潭毛髮寒
琮琤不斷仙珮珊
渾如白傅歌中句
大珠小珠落玉盤

清泚縈廻受復斟
忘筌對坐可觀音
何須隱約束絃指
已寫成連山水心

玉名名瀑玉誰名
名相由來總現成
逝者如斯來不舍
長懷尼父在川情

寄題教漢瀑布水

我愛教漢瀑布水今來路隔三百里題詩曉眼十一年
乾隆八年東巡逢經其下題長句大書磨崖今年取飛
道迤東相距三百餘里故賦此寄題其後以紀歲月
注東流殊未已

以上皆入老河之水

英金河亦入老河已提
為綱故不復附老河下

欽定熱河志卷七十

欽定四庫全書

欽定熱河志卷七十一

水三

潢河 亦名湟水蒙古名錫喇穆楞自克什克騰

克什克騰在今赤峰縣
即烏蘭哈達廳境外

界發源東流入赤峰縣
即烏

蘭哈達廳北巴林旗界入赤峰縣屬翁牛特左翼北境

在縣治北二百餘里又東南逕朝陽縣
即三座塔廳屬

喀爾喀左翼界與老河會為大遼水之西一源其

下流至奉天府開原邊外會東來之赫爾蘇河入
邊為遼河

唐書地理志營州北四百里至潢水契丹傳中部
酋比能為幽州刺史王雄所殺衆遂微逃潢水之
南黃龍之北

太平寰宇記營州北至契丹界湟水四百里

遼史地理志饒州有潢河

武經總要中京北距潢水惠州北至潢水石橋興

中府北至潢水四百里

富弼行程錄自中京北四百八十里度潢水石橋

橋在今赤峰縣即烏蘭哈達廳北境巴林旗界內距翁牛特北境不遠今尚存

方輿紀要潢河源出平地松林流經臨潢府南至廢水州東木葉山合於土河者是也

按舊唐書契丹傳及安祿山傳於潢水皆作黃新唐書始作潢字遼金史內因之一統志原本

別於西黃河故曰潢遼上京臨潢府

在今赤峰縣即烏蘭

哈達廳北
巴林旗地

以此得名証以武經總要富弼行程

錄方輿紀要諸書均相符合又一統志原本潢

河又名濫真水今考水經注濫真水出西北塞

外歷重山東南入白狼河在白狼水流經龍城

之後今考老河既不得為白狼則以合老河之

潢河為濫真水亦別無據難以徵信舊志又謂

古名饒樂水別名託紇臣亦曰吐護真河考饒

樂水即今英金河

詳見前英
金河下

託紇臣水吐護真

河即今老河

詳見前老河下

皆與潢河無涉至方輿紀

要於饒樂水下注曰其下流東北入於潢河是

明知饒樂水之非即潢河矣下文復注亦謂之

黃河亦曰北黃河夷名哈毋林

即喀喇穆楞

或謂之

烏龍江似以黃河及北黃河喀喇穆楞及烏龍

江皆為饒樂水之別名則舛誤殊甚蓋黃河即

潢河唐書原兩字通用至今稱潢河為錫喇穆

楞蒙古語謂黃為錫喇是仍以潢河為黃河也

至於北黃河則因舊唐書土護真河北即黃河
書作即北黃河之誤若夫喀喇穆楞別為一水
在今潢河之北巴林界東南流入於潢河蒙古
謂黑為喀喇遼史地理志上京臨潢府有潢河
復有黑河周廣順中胡嶠陷北記謂渡湟水又
明日渡黑水宋薛映記及富弼行程祿並謂度
潢水石橋五十里至保和館度黑水河沈括夢
溪筆談謂黑山在大漠之北有黑水出其下者

是也亦謂之烏龍江明人又曰黑龍江口

與今奉天

東北之黑龍江別以今形勢論之老河發源在今平泉

即八溝廳喀喇沁右翼及扎薩克旗之南迤而東北

正環遶遼金大定府境即古託紇臣水吐護真

河及遼金之土河也其北則為英金河在今赤

峰縣

即烏蘭哈達廳

屬翁牛特境自西而東流正當遼

金大定府之北境即古饒樂水也又北為潢河

在今翁牛特北境自西而東流逕諸蒙古地當

遼上京臨潢府境及金北京路之北境即古黃
水一名湟水也又北則為黑河在今赤峰縣北
境巴林界即所謂烏龍江也諸水下流雖俱會
為一河而其上源相距並數十百里各有經流
不容相紊以其處於徼外諸書多互相牽引易
於混淆故詳辨之

布林池 源出赤峰縣

即烏蘭
哈達廳

屬翁牛特左翼西

北四十里東流入潢河

以上入潢河之水

老河亦入潢河已另列為綱故不復附潢河下

大凌河 蒙古名傲穆楞有三源一出建昌縣

即塔

子溝

屬喀喇沁左翼南之土心塔在縣治東南二

百二十里北流逕威遜圖山東北流逕錫喇哈達

圖山北逕喀喇沁貝子旗又北至三台小營一出

喀喇沁左翼西之水泉子在縣治西南境東流至

縣治南一出喀喇沁左翼西北之三官營在縣治

北境東南流至縣治南二源合而東流至三台小

營三源始會東北流入朝陽縣

即三座塔廳

境六十里

至土默特右翼境之木頭城子又一百三十里逕

朝陽縣南稍折而東南流又一百八十里至九關

臺門出朝陽縣境入錦州府義州界亦名靈河即

古白狼水也

水經注白狼縣東南廣成縣

上文東南二字連廣成縣三字為句觀下

文白狼水先逕廣成縣後逕白狼縣可見

北流西

北屈逕廣城縣故城南俗謂之廣城又西北石城

川水注之又東北逕昌黎縣故城西高平川水注之又東北自魯水注之又東北逕龍山西又北逕黃龍城東又東北濫真水出西北塞外東南歷重山入白狼水

遼史地理志建州在靈河之南

金史地理志興中縣南有凌河永廳縣北有凌河元一統志凌水源出龍山縣南六十里師婆寨至縣東南十五里入利州界一云源出龍山縣南八

十里紫草務東北流一百里入利州界又北經富庶縣東南三十里又東經建州南四十里又東入興中州界經州東南下流入義州境

按白狼水為塞外大川今老河既不得為白狼

水

詳見前老河下

求其方位適相當者惟有大凌河以

水經注及各史証之白狼水發源古白狼縣東南而流經古龍城東境漢書地理志白狼縣下但注有白狼山而不言白狼水水經注始以白

狼縣為白狼水所經又稱白鹿山即白狼山也

白狼山在今建昌縣

即塔子溝河

南喀喇沁左翼東

境大凌河正流逕其西此可為白狼水之證也

又水經注白狼水北逕黃龍城東魏營州刺史

治魏氏土地記黃龍城西南有白狼河東北流

附城東北下是也魏書地形志亦謂龍城縣有

狼水黃龍城故地即今朝陽縣

即三座塔廳

治

詳見建置

沿革及古蹟門

大凌河正東北流逕其城東北又可為

白狼河之證也若老河在其西北相去絕遠安得強加以白狼之名乎抑又考之隋書地理志營州遼西郡柳城縣下有白狼水而契丹傳謂依遼西正北二百里託紇臣水

即老河詳見前

而居則白

狼河之較近老河二百里可知舊唐書奚傳南距白狼河新唐書奚傳亦曰南白狼河而地理志謂檀州燕樂縣長城口北八百里有土護真河

即老河詳見前

奚王牙帳也老河為其卓帳之地而

白狼河乃其南境與唐交界之處則白狼河之
在老河南又可知今老河以南之水發源最遠
而又東北流者合大凌河別無他水故決為古
白狼水也夫隋唐以前諸史有白狼河而不及
白狼河蓋名雖變易而實一水矣至於水經注
白狼水未遑黃龍城以前所合者有石城川水
方城川水高平川自魯水今大凌河所合之水
頗多而古今異名未有確証者槩不敢附會

又按大凌河之為古白狼水固無可疑矣惟白
狼水之下流尚有與古未合者亦有說焉漢書
地理志臨渝縣下注渝水首受白狼東入塞外
有侯水北入渝交黎縣下注渝水首受塞外南
入海是即以渝水為白狼水之下流也水經注
白狼水東北出東流為二水右水疑即渝水也
其水東南入海一水東北出塞為白狼水東南
至房縣注於遼是以白狼水一支為渝水而一

支入於遼水也漢志所稱臨渝縣交黎縣並當

在近海之北

漢書武帝紀文穎注碣石在遼西黎縣黎縣今罷入臨渝此石著海旁

故知臨渝近海前漢交黎即後漢昌黎晉慕容討弟仁乘海自昌黎東餞水而進故知昌黎

近海為今臨渝縣及寧遠州境不聞有白狼水之

分流而舊說以撫寧縣之獅河當渝水或又以

臨渝縣之石河當渝二水皆在古臨渝故地而

渝關之稱相傳以關據河為險則石河尤近之

然與首受白狼之文亦不合蓋水道變遷古今

互異水經注於白狼流為渝水之一支曰疑即
渝水也又曰疑是臨渝縣之故城又曰疑即地
理志所謂候水北入渝者也是道元於後魏時
已不能確指其源委矣至於白狼水本從房縣
會遼水入海而今大凌河自入於海又與水經
注異則海水溢侵之說水經注固屢言之即如
濡水本從衆縣碣石山南入海酈氏以碣石為
淪入海水其說本之漢司空掾王瓚

漢書溝洫
志作王橫

儒林傳及水經注作王璜

謂往者天嘗連雨東北風海水溢

出侵數百里則今自蓋平以西之海套其亦在
溢侵數百里之中明矣水經注於河水條下又
曰昔燕齊遼曠分置營州今城屆海濱海水北
侵城垂淪者半王璜之言信而有徵是遼水左
右之地在漢時為海所啗者已多今大凌河入
海處與大遼水入海處相距甚近是海水未淪
以前其必合遼水入海可知夫海水溢出之說

先儒皆據之以釋禹貢又何疑於白狼之下流乎

和爾圖河

源出建昌縣

即塔子溝廳

屬喀喇沁左翼

西五里之托蘇圖喀喇山在縣治南境東流入大

凌河

按此與平泉州

即八溝廳

境之和爾圖河別

僧機圖河

源出建昌縣

即塔子溝廳

屬喀喇沁左翼

西四十里之僧機圖山在縣治南境東流逕平房

兒入大凌河

賽音台河

源出建昌縣

即塔子溝廳

屬喀喇沁左翼

西北六十里之鴻吉爾岱山在縣治南境東流入

大凌河

蘇巴爾噶河

漢名石塔河源出建昌縣

即塔子溝廳

屬喀喇沁左翼西北境在縣治西三十里東南流

逕五官營入大凌河

阿蘭善河

漢名神水河源出建昌縣

即塔子溝廳

屬

喀喇沁左翼西北境在縣治北四十里其發源處俗名熱水湯東南流逕濟爾噶朗營入大凌河

圖爾根河 漢名土河以其北別有土河流入土

默特時右翼境或稱此為南土河源出平泉州

即八

溝屬喀喇沁右翼東南一百八十里之錫默特山

在州治東境東流逕建昌縣

即塔子溝廳

屬喀喇沁左

翼西境又東南入大凌河即古榆河

金史地理志利州龍山縣有榆河

元一統志榆林河源出和衆縣西三十五里司家店東南流一百餘里入利州境經州東三里霍司空莊入凌河

按元李察王京觀碑稱跋利州之西憑榆河之渡者長壽山也利州故城及長壽山並在今建

縣

即塔子溝廳

治東北七十里此河正流逕山下知

即榆河也元時和衆縣屬今建昌縣境榆林河亦即指此

波羅台溝河

源出建昌縣

即塔子溝廳

北境敖漢南

之牛膝河屯在縣治北一百八十里東南流入朝

陽縣

即三座塔廳

屬土默特右翼境逕波羅台溝共行

八十餘里入大凌河

察罕河

漢名白河源出朝陽縣

即三座塔廳

屬土默

特右翼西一百六十里之哈卜塔海華山在縣治

東境南流入大凌河

布爾噶蘇台河

漢名柳河亦名黑子城河源出

朝陽縣

即三座塔廳

屬土默特右翼西北一百九十里

之威遜國喀喇山在縣治西北境東南流逕喀喇

城入大凌河

固都河

源出朝陽縣

即三座塔廳

治北一百里自石

罇中流出行五里伏入地又六十里仍涌出南流

六十里入大凌河

喀喇托歡泉

漢名釜泉亦名黑鍋泉源出朝陽

縣

即三座塔廳

屬土默特右翼西六十里之喀喇托歡

山在縣治東北境東南流會固都河

凉水河

源出朝陽縣

即三座塔廳

屬土默特右翼西

北七十里在縣治西北境自小八溝平地出泉約二里許東南流漸成河行四十里伏入地又二十五里仍涌出東南流十五里入大凌河

奎騰泉

溪名冷泉源出朝陽縣

即三座塔廳

屬土默

特右翼西北二十五里在縣治東北境南流會涼

河水

圖爾根河 亦名土河以其南別有土河或稱此

為北土河根出朝陽縣

即三座塔廳

屬奈曼南五十五

里之塔本陀羅海山在縣治北境南流入土默特
右翼北境逕綽諾圖山又南入大凌河

按此與平泉州

即八溝廳

屬之圖爾根河別

固爾班和爾圖泉

源出朝陽縣

即三座塔廳

屬奈曼

西南六十里在縣治北境三泉涌出合而東南流

會圖爾根河

卓索河 漢名紅土河源出朝陽縣即三座塔廳屬土

默特右翼北一百里之輝果爾山在縣治北境東

南流會圖爾根河

什巴爾台河 漢名爛泥塘河亦稱為土河源出朝

陽縣即三座塔廳屬土默特右翼北三十五里之多倫

和爾和山在縣治東北境東南流會圖爾根河

按此與建昌縣即塔子溝廳境之什巴爾台河別

格爾庫爾台河 亦名石雞河源出朝陽縣即三座塔

縣

屬土默特右翼東四十里之塔本陀羅海山在

縣治東北境西北流會什巴爾台河

巴圖察罕河

漢名柞河源出朝陽縣

即三座塔廳

屬

土默特右翼北十五里之巴顏華山在縣治東北

境東南會圖爾根河

烏里雅蘇台河

漢名楊河源出朝陽縣

即三座塔廳

屬土默特右翼東北八十里在縣治東北境西南

流會圖爾根河

衮齊老河

源出朝陽縣

即三座塔廳

屬土默特右翼

南三十里之蘇巴爾噶圖山在縣治東境東南流

至九關臺門西南二里入義州境名柳河川又東流入大凌河

翁格勒庫河

漢名麝香河源出朝陽縣

即三座塔廳

屬土默特右翼東八十里之翁格勒庫山在縣治

東北境東南流至清河邊門之西入義州境名清

河又東南流入大凌河

伊瑪圖河

漢名羗羊河源出朝陽縣

即三座塔廳

屬

土默特左翼西北六十里之邁達里山在縣治東北境南流至清河邊門之東入義州境名細河又又東南流會清河

錫喇塔拉河

漢名馬鞍河源出朝陽縣

即三座塔廳

屬土默特左翼西北四十八里之摩該波羅山在縣治東北境西南流會伊瑪圖河

以上皆入大凌河之水

欽定熱河志卷七十一

欽定四庫全書

欽定熱河卷七十二

水四

分隸各屬諸水

承德府

即熱河廳

黑龍潭

在府北一百八十里唐山營山之下

有洞窈然水出洞中深不可測嵐氣迷漫若潛神物故曰黑龍潭

豐寧縣

即四旗廳

和爾圖泉

在縣屬察哈爾鑲白旗西北五十五

里

烏蘭池

漢名紅鹽池在縣屬察哈爾鑲白旗西

北七十五里

魁蘇池

在縣屬察哈爾鑲白旗西北一百三十

里

錫爾哈池

在縣屬察哈爾鑲白旗北一百九十

里

呼倫穆索和池 在縣屬察哈爾正藍旗東四十

里

錫勒圖池 在縣屬察哈爾正藍旗東南十二里

渾圖池 在縣屬察哈爾正藍旗南三十五里

哈希穆克池 在縣屬察哈爾正藍旗西南十五

里

固爾班烏默赫池 在縣屬察哈爾正藍旗東北

二十里

黑倫木圖池

在縣屬察哈爾正藍旗東北一百

里

翁衮泊

在縣屬察哈爾正白旗西北一百四十

里

喀喇烏蘇

漢名黑水濼在縣屬察哈爾正白旗

西北一百四十里

伊克烏蘭泉

漢名大紅泉在縣屬察哈爾鑲黃

旗東南一百三十里

衣布拉克 在縣屬察哈爾鑲黃旗西南一百二十里

噶順泉 漢名苦水泉在縣屬察哈爾鑲黃旗西
七十里

巴噶烏蘭泉 漢名小紅泉在縣屬察哈爾鑲黃
旗東一百二十里

達布遜泉 漢名鹽泉在縣屬察哈爾鑲黃旗東
北一百二十里

平泉州

即八溝廳

冷水塘

在州治東北三百里八郎官東山土人

云浴之已疾

龍潭溝

在州治西北八十里旁有泉絕清冽

溫泉

在州治北一百四十里魁得蘇溝口北山

上旁有浴池

石井

在州治北一百二十里二道營山洞中水

極甘寒旁有小浮圖一莫詳年代

蒙克泉 在州屬喀喇沁右翼西七十里

烘郭爾泉 在州屬喀喇沁右翼南七十里

溫冷特泉 在州屬喀喇沁右翼南二百里

努黑圖泉 在州屬喀喇沁右翼北三十里

赤峰縣

即烏蘭
哈達廳

博多克圖泉 在縣屬翁牛特右翼西九十五里

阿魯布拉克 在縣屬翁牛特右翼東北五十里

布魯都池 在縣屬翁牛特左翼西五里

和爾博勒津泊 漢名七金泊在縣屬翁牛特左

翼西南八十里

建昌縣

即塔子溝廳

菟濟河 源出縣屬喀喇沁左翼東南七十里柏

樹山之毛頭泊在縣治東南一百七十里南流逕

都呼喀喇山至高臺堡門東十里入錦州府寧遠

州境為六州河

元一統志六州河在利州東南八十里

按元時利州在今建昌縣

即塔子溝廳

東境縣之最

東南為元瑞州地方位相合又相傳名六股河
蓋以摩該圖河呼魯伯楚特河額里葉河布勒
圖河四道溝河五水及菟濟之經流為六也

摩該圖河 源出縣屬喀喇沁左翼南三十八里
之摩該圖山在縣治東南境東南流逕沙帽山入
菟濟河

呼魯伯楚特河 源出縣屬喀喇沁左翼南七十

里之呼魯伯楚特山在縣治東南境東南流入蒐
濟河

額里葉河 源出縣屬喀喇沁左翼南八十里之
額里葉嶺在縣治東南境南流寬至邦門之西入
寧遠州境名黑水河又南入蒐濟河

布勒圖河 漢名寬河源出縣屬喀喇沁左翼南
一百十里之布勒圖喀喇山在縣治東南境東流
會額里葉河

按一統志原本謂明宣德三年大破三衛之兵

於寬河即此今考明宣宗實錄宣德三年九月

喜峰口守將馳奏烏梁海

舊作兀良哈今改正

侵邊已入

大寧經會州將及寬河宣宗決策親征乙卯出

喜峰口昧爽至寬河則喜峰抵寬河甚近若今

會灤河之豹河亦名寬河明初嘗置寬河守禦

所者別在平泉州境與此寬河方位不同舊志

蓋以同而誤也

四道溝河 源出縣屬喀喇沁左翼南一百十五里之四道溝在縣治東南境東流入菟濟河

塔本泉 漢名五泉源出縣屬喀喇沁左翼東南三十五里之塔本嶺東南流入菟濟河

巴奚里河 源出縣屬敖漢境之瑪尼罕初東北流折而東流又折而東南流入柰曼境三面環抱下流入於沙地

齊老白池 在縣屬敖漢東南二十五里下流入

沙河

都木達納林泉 在縣屬敖漢南三十里流入齊

老台河

烏里達扎哈納林泉 在縣屬敖漢東南五十里

伊瑪圖泉 在縣屬敖漢南一百二十里下流入

沙池

庫爾奇勒泉 在縣屬敖漢西南一百五十五里

尼楚琿泉 在縣屬敖漢西南二百里

輝圖扎哈納哩特泉 在縣屬敖漢西五十里

朝陽縣

即三座塔廳

小凌河 蒙古名明安河源出縣屬土默特右翼西南二百二十里之明安喀喇山在縣治東南境有三泉匯為一河初名穆壘河東北流為明安河逕土默特右翼旗之南境至松嶺子門西五里入錦州府錦縣境為錦水亦名小靈河即古參柳水也

漢書地理志柳城縣參水北入海

遼史地理志興中府有小靈河

元一統志小陵河在興中州南一百五十里源出玉泉井溢而成川流入錦州界

按漢柳城縣在今寧遠州及錦縣之西境所謂

北入海者蓋自縣北而南流入海

地理志臨渝縣侯水北入

渝郡道元曰蓋自北而南其書法與此同例與今小凌河方位正合

遼之興中府元之興中州即今朝陽縣

即三座塔廳

地靈之與凌則傳寫字誤耳

哈柳圖河 漢名水獺河源出縣屬土默特右翼南
五十里之蘇巴爾噶岡在縣治東境南流逕托羅
克台山入小凌河

鄂欽河 漢名女兒河源出縣屬土默特右翼南
境在縣治東境東流至新開門北六十里入錦縣
境又東南流入小凌河

楊柳木河 源出縣屬喀爾喀左翼南境東南流

沿柰曼東北境至彰武臺門

亦名楊柳木門

入錦州府廣

寧縣境下流入遼河

庫崑河 源出縣屬喀爾喀左翼東流入土默特

左翼北境又東流入楊柳木河

烏訥蘇台河 源出縣屬土默特左翼北八十里

東北流會庫崑河

阿哈里河 源出縣屬土默特左翼北七十里東

流會烏訥蘇台河

蘇爾哲河 漢名大堤河源出縣屬土默特左翼
北三十里東南流入廣寧縣東北境

烏克爾齊老泉 漢名卧牛石泉源出縣屬土默
特左翼東二十五里西南流會蘇爾哲河

蘇巴爾噶圖河 漢名石塔河源出縣屬土默特
右翼境東南流入土默特左翼西八十里南流入
邊

按此與喀喇沁左翼境之蘓巴爾噶圖河別

額里葉河 漢名鷓鴣河源出縣屬土默特左翼

東北八十里東南流入邊

按此與喀喇沁左翼境之額里葉河別

湯圖河 源出縣屬土默特左翼西二十里東南
流入邊

和爾博勒津泉 漢名七金泉在縣屬土默特左
翼東北七十里

兆布拉克 漢名百湖在縣屬土默特左翼東六

十里

烏哈爾溫泉

在縣屬喀喇沁左翼北一百里

查木哈克泉

在縣屬奈曼東五十里

察罕泉

在縣屬奈曼東南六十里

各屬有名無考諸水

陽師水

北齊書文宣帝紀北討契丹辛丑至白

狼城壬寅經昌黎城癸卯至陽師水後魏置陽師

鎮蓋以水得名

按舊唐書謂廢陽師鎮在營州東北當在今朝陽

縣即三座塔廳治東北境

道人溪水 水經注道人溪水南流歷密雲戍東

此密雲戍興邊內之密雲縣別左合孟廣硎水亂流經密雲戍城

南右會大榆河即鮑邨水

孟廣硎水 水經注孟廣硎水出硎下西南至密

雲戍東西注道人溪水

按大榆河發源即今豐寧縣即四旗廳境之潮河道

人溪水孟廣礪水會注大榆河處當在今豐寧縣境

白楊泉水 水經注白楊泉水北發白楊溪右注大榆河

龍芻溪水 水經注龍芻溪水自坎注大榆河

按今潮河南流經灤平縣

即喀喇河屯廳

白楊泉水龍

芻溪水注大榆河處當在今灤平縣境

石城川水 水經注石城川水出西南石城山東

流北屈逕白鹿山西即白狼山也東注白狼水

方城川水

水經注

在大遼水條下

方城川水發川西南

山下東入白狼水

按白狼水即今大凌河發源建昌縣

即塔子溝廳南

此石城川水方城川水俱當在建昌縣南境

高平川水 水經注高平川水出西北平川東南

注白狼水

自魯水 注經注自魯水導西北遠山東南注白

狼水

按白狼水下流經今朝陽縣

即三座塔廳

此高平川

水自魯水東南注白狼水當今朝陽縣境

陰涼河 遼史天祚紀天慶七年自燕至陰涼河

置軍營金史地理志大定縣松山縣皆有陰涼河

元一統志陰涼河在松州南四十里發源興州界

女嶺經由州境流與高州塗河

即土河今名老河

合

按此當在今赤峰縣

即烏蘭哈達廳

南境發源流經平

泉州即八溝縣屬喀喇沁右翼西北境東南流迺大寧

故城之北

琵琶川 曾公亮武經總要奚本匈奴別種居陰涼州後徙居琵琶川在幽州東北數百里古北口之北遼史地理志利州阜俗縣唐末契丹漸熾役使奚人遷居琵琶川統和四年置縣

按利州為今建昌縣即塔子溝廳南境地則此水當

亦不遠

陷河 遼史地理志澤州太祖俘蔚州民立寨居之採煉陷河銀台

按澤州為今平泉州

即八溝廳

地則陷河亦當在州

境

松山川 遼史地理志松山州松山縣有松山川

按金史地理志之松山縣元史地理志及元一

統志之松州皆不載松山川以松山州方位考

之當亦在赤峰縣

即烏蘭哈達廳

境

神射泉 遼史地理志興中府有神射泉

按元一統志謂天授皇帝嘗獵獲一香麝因名

其泉曰神射當在今朝陽縣

即三座塔廳

境

麥務川 遼史地理志興中府象雷縣以麥務川

置

按此當在今朝陽縣

即三座塔廳

霧霖河 金史世宗紀右副元帥完顏默音

舊作完顏

謀行今改正

敗鄂哈

舊作窩幹今改正

於霧霖河赫舍哩志寧

舊作統石烈志寧今改正傳鄂哈敗於長樂遂西走志寧追及

於霧靈河大破之

連魯古淀 金史鄂哈傳鄂哈入奚部時時出兵

寇連魯古淀古北口興化之間

按此當在古北口外與灤平

即喀喇河屯廳

豐寧

即四

旗廳兩縣為近

沁河 金史地理志大定府富庶縣有沁河元一

統志沁河自富庶縣西四十里小澗流經縣治西

南一里許東流四十里合於凌河

按富庶縣在今平泉州

即八溝廳

西北則沁河亦當

在州西北境

撒馬水

元一統志撒馬水在大寧縣西北四十

里濶十步遼太祖時牧馬於此因名源出撒馬哈

東流經縣境一百五十里合於塗河

按此當在今平泉州

即八溝廳

屬大寧故城北境

荆水

元一統志荆水自金源縣界流入建州經

州東北荆山下故名下流合於凌河

按此當發源今平泉州

即八溝廳

東北境東南流入

朝陽縣

即三座塔廳

境

碓嘴河

元一統志碓嘴河在金源縣西三里源

出寺家莊西南三十步平地涌出溢而成川流經

縣西一里許東南流九十里入建州界合於凌河

按此當發源平泉州

即八溝廳

東北境東南流入朝

陽縣

即三座塔廳

境與荆水形勢畧同

青龍河 元一統志青龍河發源惠和縣五十里
麻場寨南二里澗流經縣南一百步又北流五十
里入高州界

按此當發源建昌縣即塔子溝廳東北流入赤峰縣

即烏蘭哈達廳境

虎河 元一統志虎河發源武平縣西南六十里
葫蘆山流經縣之霸州鋪合於遙刺河

按此當在朝陽縣即三座塔廳西北境

為藥河 元一統志為藥河在利州東五十里源
自為藥莊山谷間出東流合於凌河

按此當在建昌縣

即塔子溝廳

東境

狗水 元一統志狗水在惠州東一百八十里源
自指頭山崖出東流一百二十里入利州界合於
凌河

按此當發源平泉州

即八溝廳

南境東流入建昌縣

即塔子溝廳境

百里水 元一統志百里水在川州東二十里自
迤北三叉口經州境沿流一百里故名東流入義
州界

按此當在朝陽縣

即三座塔廳

東北境

清水河 元一統志清水河在川州西北五里源
出西北七十里紅土寨

按此當在朝陽縣

即三座塔廳

北境

白羊河 元一統志白羊河源出興州樺皮嶺流

入松州與落馬河合流達高州奎河

按此當發源承德府

即熱河廳

北境東流入赤峰縣

即烏蘭哈達廳境

鋤刀河 元一統志鋤刀河在松州北二十里發

源興州界流經州境不與落馬河合

按此亦當發源承德府

即熱河廳

北境東流入赤峰

縣

即烏蘭哈達廳

境與白羊河形勢畧同

欽定熱河志卷七十二

欽定四庫全書

欽定熱河志卷七十三

學校一

教化之行建首善自京師始蓋以京師王化之基
聲教所先也熱河自

聖祖肇建山莊成都成邑我

皇上率修

前典歲時獮狩萬國來同瞻就

雲日無異

京輦乃發

德音興建學校改設府縣立師儒之官廣選造之額
恩綸稠疊規制大備伏讀

御製碑記及紀事釋奠諸詩於禮樂百年之興三致意
焉猗歟盛美千載一時也臣等叨奉

屬車伏覩此邦人士蹈詠

鴻儀沐浴

聖化謹次立學緣起志學校第十一其考棚書院亦附
列焉

御製文

熱河

文廟碑記

己亥

丙申夏駐蹕熱河避暑山莊曹秀先以禮部尚書扈
從幾暇召見談及時政秀先云臣春卿也在職言職
以為此處宜興學校以造就士朕曰俞哉亦其時矣

於是乎有設學之旨於是乎有加額之恩學校既設則

文廟亟宜建乃命相地伐材卜吉鳩工宮牆泮水殿廡禮樂一如制越二年己亥夏朕以來巡親

釋奠而落成之夫熱河固自古關塞以外荒畧之區也雖金遼有興州之稱然旋舉旋廢建置沿革率不可考而況有畢比之傳絃誦之聲哉是以我

皇祖每年避暑於此亦不過名之曰山莊故有

聚民至萬家之句蓋於禮樂之興未免

存待以百年之意今則耕桑日以開戶口日以滋以幅員
計之不啻數千里而版籍或逾十萬焉此而無學以
牖民迪俗豈宣

祖猷揚

聖化之道今西域烏魯木齊等處率置郡縣立學校以
此較彼為尤近矣則茲

文廟之建於時於地胥不可緩亦不待人之請而後行

稱之曰熱河

文廟者今雖升之曰承德府從其朔紀其因也昔蘇軾作韓愈碑記云公之神在天下如水之在地中予謂韓愈因文見道我

夫子體道垂文韓愈之所因者即

夫子之所垂而見猶待乎行體則其本也且水在地中尚待求而得之我

夫子乃天之經地之義山之峙海之淵無日不在人人

心目之中範圍曲成而不遺豈待穿鑿求之而後得
然則

木鐸之音孰謂不可覺斯民於關外荒畧之區也哉

御製詩

熱河承德府紀事八韻

有序

己亥

上塞久鍾擅坤輿之勝槩神皋特闢萃天府之奧區
造化既具此山川分野自呈為都會溯惟熱河著號
因泉溫而紀地靈迨乎承德命名初設州而今置府

緬昔

經營文囿始成避暑之莊及余纘習武功斯佇行秋之典

煙井萬家而遞衍盈寧既叶屢豐禮樂百年而後興

教化亦徵日盛作廟準省垣之制

熱河先建城隍廟像設祀典悉視保

定省建學崇

孔子之堂文治甫彰賢書遂薦迺詔銓曹而集議悉依內地之成科首廳遷郡守之階即資統轄餘屬分牧令之職仍帶原銜人因舊而制則惟新規模於馬大

備官不增而事無所廢庶政因之益修顧兩載已隔
鳴鑾茲五月復臨駐蹕覽歡迎之士庶愈懷

祖德之培貽撫輦錫之班聯恒凜泰符之熙洽用吟長律

兼識大凡

皇祖初名避暑莊熱河數典那云忘萬家煙火昔成聚

皇祖熱河詩有聚民至
萬家之句今不啻數倍矣

千里幅員今闢疆承德

建州癸丑始丙申陞府繼

先獲因之擇地立

文廟遂以育賢起學庠信是百年興禮樂欣其比戶富

農桑漫猜林本鹿豕數試看家增絃誦場朔定安興

軍朔古

達於此置北安州興化軍屬中京大定府金改興州寧朔軍屬北京路

豐灤建

赤縣分傍

熱河陞為承德府統轄六屬並改八溝廳為平泉州四旗廳為豐寧縣喀喇河屯廳

為灤平縣三座塔為朝陽縣塔子溝廳為建昌縣烏蘭哈達廳為赤峯縣仍兼同知通判原銜咸隸承德

府

撫茲樂利蒙

庶者保泰惟殷敬不遑

文廟釋奠禮成有述

聖祖於斯避暑曾養恬樂利被黎蒸閭閻此日較前盛禮
樂百年以後興爰建

廟堂欣慶落載因釋奠仰

依憑菁莪雅化捷影響已有庠間俊秀升
丙申夏詒於熱河興建

文廟並定各廳入學額數丁酉秋順
天鄉試即有熱河之生員中式者

謹按

文廟碑記熱河承德府紀事八韻詩俱

御書刻石

文廟釋奠禮成有述詩刻屏懸挂

乾隆四十一年八月內閣奉

上諭朕每歲木蘭秋獮先期駐蹕熱河數十年來見該處戶口日增民生富庶且農耕蕃殖市肆殷闐儼然成一都會惟絃誦之風未盛由於口外人多樸魯無所師承且未另立學額更無以示鼓舞因思熱河各廳所屬編氓及僑居年久者其子弟應不乏秀良誠能教育而振興之未嘗不足以示造就自宜勗設義

學延師訓課以勵文風並當建立學宮酌定庠額俾得藉以上進其如何興建籌辦著該督周元理悉心勘議具奏至學校章程並著會商學政羅源漢酌議奏聞副朕嘉惠塞民廣學毓材至意欽此

謹按先是熱河於雍正年間改設承德州乾隆三年議設學額至七年裁州歸密雲縣考試詳見部議各條下

四十二年十二月內閣奉

上諭前據周元理奏熱河請添建考棚俾七廳所屬士
子生童得以就近應試事屬可行但工程事宜地方
官素未諳習辦理恐未能妥協所有熱河考棚工程
著派劉浩辦理欽此

四十三年正月內閣奉

上諭熱河地方朕每歲木蘭秋獮先期駐蹕數十年來
戶口日增民生富庶且農耕蕃殖市肆殷闐其秀民
並知蒸蒸向化絃誦相聞現已興建學宮議定庠額

竝命設立考棚將來人文日盛已儼然成一大都會
而名稱仍熱河之舊殊於體制未協因思熱河從前
曾稱為承德州嗣後應改為承德府即以熱河同知
改設其廨署并毋庸另建其餘六廳如八溝較大似
應改為知州喀喇河屯等廳酌量改縣均隸新設之
承德府管轄并隸熱河道考核著傳諭周元理將應
行酌改各事宜悉心籌畫妥議具奏候朕另降諭旨
將此諭令知之欽此

四十三年正月內閣奉

上諭學校人才之聚郡縣戶口之系古者教養並重治
化軍數至於荒畧之地邊漠之區恒有聲教所未及
而不隸版圖者我朝定鼎以來光宅函夏幅員日廓
中外一家京畿東北四百里熱河地方在古北口以
北其境於禹貢為冀州邊末而虞及殷周幽州之畫
境也秦漢以來越在絕徼未入版圖元魏建安營二
州唐時有營州都督府然不過僑治於內地遼金及

元始薊其名而厯祚未久故址旋荒明棄大寧視為
別域我國家撫臨寰宇溥海內外咸登版籍況熱河
密邇畿輔自

皇祖康熙四十二年肇建山莊秋獮經行往來

駐蹕

皇考率修

前典設立熱河廳尋改承德州朕臨御之七年地方大吏
建議此地究為關外仍設為廳八溝等六處悉如之

蓋以其時士民尚少風俗椎魯立學建郡之制有未
遑焉嗣後獮獫木蘭每歲駐蹕於茲日見黎庶殷闐
戶口繁富里巷絃誦人文漸起此實國家積洽累仁
休養生息涵濡百餘年之久方克臻斯夫士為四民
之首士著與僑居者久於其化子弟不乏秀良而學
校未興師承無自其何以甄陶而鼓勵之況今西域
如烏魯木齊等處率皆立學校置郡縣以此較彼地
既遠近懸殊風土人物亦皆過之按諸古者廣厲學

官之意其地其時正相協焉爰於丙申秋命冬官量
度規模鳩工庀材興建

文廟朕親

釋奠而落成之每年來巡斯土必先展拜廟貌秋仲丁
祭遣大學士行禮率以為常所有酌定庠額分年取
士並創設書院義學延師訓課悉令督臣與學臣議
立章程以行近歲士氓深被教澤既富方穀益見蕃
昌閭閻安堵沐浴太平四方商賈之民駢集輻湊儼

然成一都會計其地千有餘里而戶口或逾十萬焉
可以見耕桑日闢版籍日繁成都成邑之盛有明徵
矣近者既創立學校樂育人材而其地猶仍熱河廳
之舊準諸體制未為允協因思向曾設承德州今宜
陞為承德府即以同知改設其餘六廳如喀喇河屯
廳改為灤平縣四旗廳改為豐寧縣八溝廳其地較
廣改為平泉州烏蘭哈達廳改為赤峰縣塔子溝廳
改為建昌縣三座塔廳改為朝陽縣賦稅戶籍之數

悉隸於知府轄於熱河道以重考核官斯土者所
宜悉心經畫措置協宜以副朕嘉惠邊氓教
養兼施之意至於考訂舊聞蒐羅掌故輯成熟河全
志已命儒臣博採旁徵區分事類纂訂成書仍於山
莊內肇建文津閣庋貯四庫全書琅籤秘笈炳耀興
桓以示朕崇

師惇典一道同文至意欽此

四十四年五月內閣奉

上諭熱河自

皇祖建立山莊以來迄今六十餘年戶口日滋耕桑益闢
儼然一大都會禮樂百年而後興此正其時曾於丙
申秋降旨添設學校書院加廣庠額以教育而振興
之並相地鳩工建立

文廟茲鑒輅來巡適屆落成親詣行

釋奠禮宮牆泮水間青袍環列彬彬雅可觀從此文化益
當蒸蒸日上盛第現在庠生已有五十餘人均應與順

天鄉試雖丁酉科曾經中式一人但邊外士子樸魯者多恐尚未能與通省貝字號每卷校藝獲售著加恩照宣化府之例另繕承字號每科鄉試取中舉人一名俾士子知上進有階愈加鼓舞俟將來文風漸盛人數多至百餘名該督臣學臣再行奏聞增額以示嘉惠上塞士林多方樂育至意該部即遵諭行欽此

設學事宜

乾隆三年議准熱河於雍正年間設立承德州未

經建學今該州遵立義學延師訓課童生至二百
五十六名自應量設學額照奉天新設州學例歲
科考各取進文童六名歲考取進武童四名額設
廩增各十名以逐年考試優等生員漸次充補俟
廩額補足時三年一貢至八溝四旗同知通判所
轄之漢人亦准一體與考其寄居流寓之人不得
混冒

七年承德州裁生童歸併密雲縣考試

乾隆四十一年十月禮部等部議准熱河建立學
宮事宜

一

文廟地基奉

旨指定熱河城隍廟之東其工程事務交工程處辦理
所有大成殿明倫堂均以仿照內地規制應行相
度建造之處統聽管工程大臣辦理

一每廳各設義學一處延請品學兼優之士分司

訓課其束脩膳金並生童膏火等項銀兩俟建設義學後按年報部動支

一從前承德州學額取進文章六名武童四名其時祇有熱河喀喇河屯二處童生應試今七廳地廣人多較前已增數倍自應變通加額俾知奮勉嗣後歲科二考熱河一廳每試取進文章四名其餘六廳各取進二名歲考武童減半取進將來人文日盛如應酌議增廣再行請

旨辦理

一熱河生童向係歸併密雲在通州應考今仍照舊考試將來人數日增應否於熱河地方添建考棚之處再行請

旨辦理其鄉試一體編入順天北貝取中

一七廳總設道學教授一員額定廩生十六名每逢歲科二考將優等生員挨次拔補俟廩額補足照例三年挨貢一次十二年拔貢一次

一熱河本無土著凡流寓民人身家清白寄籍二
十年者俱准考試初考童生之時尚無廩保應令
各廳查明飭取地隣保結收考取定名數申送道
考由道轉送學政考取入學將來廩額補足之後
照例令廩生保結其有現在口外居住業於密雲
等處入學者准其報明改歸熱河應試

十一月管工程處尚書英廉等奏准恭查熱河建
立

文廟臣等遵照奏准樣按例詳細估計得熱河城
隍廟之東新建

文廟大成殿五間碑亭三間大成門五間崇聖祠五
間東西配廡各十一間尊經閣五間犧牲所三間
省牲亭一間明倫堂五間東西齋房各七間教授
衙署一所泮池一處橋一座櫺星門一座東西牌
坊二座大成殿前月臺一座焚帛爐一座門樓四
座等項估需銀七萬三千二百二十九兩二錢請

在熱河存貯備工銀內支用其應造龕案神牌邊
豆供器及樂器舞儀等項應會同禮部太常寺查
明另行辦理再查此項工程係在熱河地方修建
請派熱河道明山保就近會同臣等派出之司員
一同敬謹妥協辦理於彈壓稽查並錢糧工程均
有裨益

十二月禮部奏准熱河地方每歲夏秋為

聖駕巡幸之所今

特典黌序廣勵師儒文物聲名宜從美備現經臣英廉
等照

國學大成殿龕案陳設款式遵

旨辦理所有兩廡及

崇聖祠龕案並各神牌位次均照

太學成式製造安設至祭品樂器及一切供器等項

除所供

特頒周時法物外臣等謹查照

太學所用各器另脩細冊交臣英廉等如式制造再查

太學例用文舞生三十六人樂生五十三人執事生二十八人應會熱河道轉飭所屬慎重遴選照太學名數充補由太常寺酌量揀派熟諳音律禮儀者前往教習如恭遇

皇上駐蹕熱河或

親臨行禮或

遣官行禮樂章照

太學所奏其香帛祭品應請照致祭

闕里之例由地方官備辦若係該地方官承祭之時所用樂章祭品等項均照直省學宮辦理

四十三年三月吏部等部遵

旨將喀喇河屯廳改為灤平縣八溝廳改為平泉州四旗廳改為豐寧縣塔子溝廳改為建昌縣烏蘭哈達廳改為赤峯縣三座塔廳改為朝陽縣又議准

將熱河道教授學改為承德府教授又現奉


諭旨建造考棚俾生童以就近應試其原定入學名數
尙少應再行加增承德州原額四名加增二名其
六州縣原額二名各增二名俱隸承德府學俟將
來六州縣入學人數漸多另於各處建學以昭

聖世同文之化

七月吏部等部議准承德府屬各州縣童生照例
錄送承德府覆試其府境童生該府考後即送學

臣考試毋庸再由道轉送又府州縣增設學額所需貢生旗區并文武舉人進士盤費坊價等項銀兩在通省額設留支銀內撥給

文廟全圖



文廟在承德府治之東東西牌坊各一座向東額曰
教垂萬世曰道洽八埏向西額曰執中含和曰參
天兩地中櫺星門牌樓一座額曰化成久道內泮
池一大成門一座內碑亭一大成殿五楹正位奉
至聖先師孔子神位

御書額曰廣大中和聯曰有開必先冠古今而垂教化
無思不服合內外以振文章四配祀復聖顏子宗
聖曾子述聖子思子亞聖孟子十二哲祀先賢閔

子冉子冉子宰子端木子冉子仲子言子卜子顓
孫子有子朱子東廡十一楹祀先賢蘧瑗澹臺滅
明原憲南宮适商瞿漆雕開司馬耕梁鱣冉儒伯
虔冉季漆雕徒父漆雕哆公西赤任不齊公良儒
公肩定鄒單罕父黑榮旗左人郢鄭國原亢廉潔
叔仲會公西與如邾異陳亢琴張步叔乘秦非顏
嚙顏何縣亶樂正克萬章周敦頤程顥邵雍先儒
公羊高伏勝董仲舒后蒼杜子春諸葛亮王通范

仲淹歐陽修楊時羅從彥李侗呂祖謙蔡沈陳淳
魏了翁王伯趙復許謙吳澄胡居仁王守仁羅欽
順西廡十一楹祀先賢林放宓不齊公冶長公皙
哀高柴樊須商澤巫馬施顏辛曹卹公孫龍秦商
顏高壤駟赤石作蜀公夏首后處奚容蒧顏祖句
并疆秦祖縣成公祖句茲燕伋樂欬狄黑孔公公
西藏顏之僕施之常申張左邱明秦冉牧皮公都
子公孫丑張載程頤先儒穀梁赤高堂生孔安國

金
卷之十三
毛萇鄭康成范甯韓愈胡瑗司馬光尹焞胡安國
張栻陸九淵黃幹真德秀何基陳澔金履祥許衡
薛瑄陳獻章蔡清陸龍其

崇聖祠五楹祀

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公先賢顏氏曾氏孔氏孟氏先儒周輔
成程珦蔡元定張迪朱松

文廟東首

御座一所

宮門一座垂花門一座尊經閣五楹神厨一座神庫
一座犧牲亭一間

文廟西首學門一座垂花門一座東西齋房各七楹
東曰進德曰日新西曰修業曰時習明倫堂五楹

教授署一所

釋奠儀注

四十四年五月

上駐蹕熱河時

文廟落成丁未

親詣行釋奠禮

上御龍袍補服乘輿出

行宮入大成左門降輿贊引官對引官恭引盥洗由

殿中階進典儀官唱樂舞生就位執事官各司其事
贊引官奏就位

上詣拜位立典儀官唱迎

神司香官捧香盒向上立唱樂官唱迎

神樂奏昭平之章司香官進至香案傍跪贊引官奏

上香

上詣

先師孔子香案前上香畢復位立分獻官就四配十

二哲位前上香畢各復位立

上行二跪六拜禮典儀官唱奠帛爵行初獻禮獻帛爵
官各捧帛爵向上立唱樂官唱初獻樂奏宣平之
章

上跪讀祝官讀祝文畢

上行三拜禮典儀官唱行亞獻禮唱樂官唱亞獻樂奏
秋平之章典儀官唱行終獻禮唱樂官唱終獻樂
奏叙平之章典儀官唱徹饌唱樂官唱徹饌樂奏

懿平之章典儀官唱送

神唱樂官唱送

神樂奏德平之章

上行二跪六拜禮典儀官唱捧祝帛香饌恭送燎位

上轉立東旁望燎復位立贊引官奏禮畢對引官恭導

上升輿還

宮禮成

賜順天學政汪廷璵大緞一紗一承德府教授米天瑛

舉人薛聯元生員陸光儒等紗葛有差

賜太常寺司樂官樂舞生等葛布銀鐐有差翌日順天
學政汪廷璵率教授舉人生員等

奏謝上言欽惟我

皇上

統備君師

化覃中外

率俾暨光天之下千百國文德同昭

用敷肇建極之原十六字心傳畢貫涉星波以負笈
重瀛之紳佩偕來徧月窟而橫經遠徼之詩書齊
肄惟興州之奧壤當朔野之名區自全輿歸形訓
之官遂沃野成甸廛之會駐

軒皇之華蓋豫遊常奉鳴鑾築

堯帝之茨宮會極歡臚合瑞乘六龍而時蒞

巡行垂法

祖之猷屯七校以從蒐肄覲展朝宗之典塞田留熟慶數

千里匝隴桑麻

仙館那居看十萬戶環圍烟火班初升於赤縣彌覘
地產殷繁志已藏於黃圖尚軫人文朴畧

念序庠其有制聿遵太學之成模

謂富庶其何加宜迪

聖人之至教因誕敷夫

恩綍俾特建夫新黌度爽塏而初營泮水則半規浮碧
峙桷楹以並作宮墻則萬仞飛翬爰嚴粟主之隆

儀仍準戟門之令式禮崇

文廟揭日月以升東號冠熱河紀山川而從朔秀鍾
武列知衆派之同歸瑞拱興安仰高山之在望當
採芹而思樂

躬臨甫迓

鸞旗乃

釋菜而觀成展謁還紆

玉輅盈階吉佾儀比園橋列几嘉籙輝分

闕里辨擗協奇褒之節啟

萬乘以尊

師陪裡偕奔走之司鐸六成而洽禮勒擘窠之鉅牘
墨海蟠虬

摘紀事之鴻篇文園翦鳳嚮學而員稱弟子集舒雁之
青衿分齋而職領師儒擁銜鱸之絳帳東西蠹舍
風廊列號爭排科歲分期棘院重垣初築席羅廣
厦抽毫之晷刻添長榜展藝林鼓篋之姓名增置

臣等班隨扈從獲與趨蹌會際鼓徵肅齊觀聽萃
名都而陶淑欣依風雨之大和瞻

盛典以軒轅長頌星雲之丕煥

又學政汪廷璵

奏謝另編鄉試字號中額上言洪惟溫源衍脈涵濡
化溯於豐詒仁嶺鍾英環拱象符乎斗運萃神臯
之廬井人服先疇沃壤之耕桑戶敦古處由耕
而讀蒸然聞一邑絃歌既富且安久矣待百年禮

樂往者畿闡額俊魯徵擢秀於此邦今茲黌舍增
員疊荷

推仁於多士固已

鴻慈高厚合中外而甄陶

文治光華遍膠庠而抃舞復以

翠華莅止迎

鑾輪傾藿之忱丹殿觀成鼓篋引採芹之彥

顧青衿之禮讓

深嘉佩服雍嫺期紫塞之書升猶

塵藝文弁樸敷

作人之教化同文咸會車書定編號之章程

加惠特宣綸綍沛

新恩於省試一鳴爭獲雋之奇準舊例於邊庠七屬與
觀光之選企賢書而自奮入闕皆歌鹿而來佇

慶榜之旋開發輒即登龍而上日新月盛將聯翩更叶

茅茹霞蔚雲蒸庶藹吉盡成桐萃臣幸逢

盛際備荷

隆施頌雲漢於

中天鼓春風於

大造勗肄三之始業願諸生勉副旁求仰

御六之時行慶全郡適臻

郅治

欽定熱河志卷七十三